

漢書門  
 一三六〇八  
 〇x〇八  
 類號函架冊

內閣文庫  
 漢書  
 一三六〇八  
 函架冊  
 〇x〇八

內閣文庫	
番號	漢 12608
冊數	160 ( 7 )
函號	300 211

二上乾

0 1 2 3 4 5 6 7 8 9 cm

A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak











重校聖濟總錄卷二之上

震澤汪鳴珂瑤圃全弟鳴鳳蘭圃校

程 勛懋哉校訂

運氣

甲午

乙未

丙申

丁酉

戊戌

己亥

庚子


辛丑

壬寅

癸卯



甲午歲





少陰君火司天陽明燥金在泉中見太宮土運歲  
土太過氣化運行先天熱化在上左齡化司氣右  
動化厥陰故天政所布其氣明辛化在下左藏化  
太陽右明化少陽故地氣肅而其令切寒交暑熱  
加燥雲馳雨府濕化乃行時雨乃降金火合德上  
應熒惑太白其穀白丹熱化二雨化五燥化四所  
謂正化日也羽蟲靜介蟲育歲物之宜也毛蟲耗  
濕毒不生地氣所制也寒熱持於氣交而爲病始  
熱病生於上清病生於下寒熱相犯而爭於中民



病欬喘血噎血泄鼽嚏目赤背瘍寒厥入胃中痛  
腰痛腹大噎乾腫上是歲火爲天氣金爲地氣火  
勝金天氣盈宜於年前先取化源以平火氣土運  
在中天氣生運運生地氣三氣相得而行順化其  
邪乃微必抑其運土資其歲勝無使暴過而生其  
病食丹白之穀以全真氣食間氣之穀以辟虛邪  
歲宜以鹹奠之而調其上甚則以苦發之以酸收  
之而安其下甚則以苦泄之適氣與之同而多少  
之運同地氣以溫熱化其化上寒鹹中苦熱下酸

熱藥食宜也歲半之前少陰主之少陰之化熱苦  
熱淫所勝卽怫熱至火行其政民病胷中煩熱噎  
乾右肱滿皮膚痛寒熱欬喘大雨且至唾血血泄  
鼽衄嚏欠嘔溺色變甚則瘡瘍腑腫肩背臂臑及  
缺盆中痛心痛肺臌腹大滿膨膨而喘欬病本於  
肺診在手尺澤之脉其法平以鹹寒佐以苦甘以  
酸收之歲半之後陽明主之陽明之氣燥若燥淫  
於內卽霧霧清瞑民病喜嘔嘔有苦善太息心脅  
痛不能反側甚則噎乾而塵身無膏澤足外反熱



其法治以苦溫佐以甘辛以苦下之氣交之中土  
運主之敦阜之紀是謂廣化厚德清靜順長以盈  
至陰內實物化充成烟埃朦鬱見於厚土大雨時  
行濕氣乃用燥政乃辟其化圓其氣豐其政靜其  
令周備其動濡積并稽其德柔潤重淖其變震驚  
飄驟其化兼其所勝其病腹滿四肢不舉故曰歲  
土太過雨濕流行腎水受邪民病腹滿清厥意不  
樂體重煩寃甚則肌肉萎足痿不收行善痺脚下  
痛飲發中滿食減四肢不舉變生得位藏氣伏化

氣獨治之泉湧河衍涸澤生魚風雨大至土潰鱗  
見於陸病腹滿溘泄腸鳴反下甚而太谿絕者死  
不治初之氣自癸巳年大寒日申初至是歲春分  
日午初凡六十日八十七刻半主位太角木客氣  
太陽水中見土運地氣遷燥將去寒乃始蟄復藏  
水乃冰霜復降風乃至陽氣鬱民反周密關節禁  
固腰脛痛炎暑將起中外瘡瘍宜治太陽之客以  
苦補之以鹹寫之以苦堅之以辛潤之歲穀宜丹  
間穀宜稷雖有寒邪不能爲害二之氣自春分日



午正至小滿日辰正凡六十日有奇主位少徵火  
客氣厥陰木中見土運木勝土陽氣布風乃行春  
氣以正萬物應榮寒氣時至民乃和其病淋目瞋  
目赤氣鬱於上而熱宜治厥陰之客以辛補之以  
酸寫之以甘緩之歲穀宜丹間穀宜稻雖有風邪  
不能爲害三之氣自小滿日巳初至大暑日卯初  
凡六十日有奇主位少徵火客氣少陰火中見土  
運二火相加天政布大火行庶類蕃鮮寒氣時至  
民病氣厥心痛寒熱更作欬喘目赤宜治少陰之

客以酸補之以甘寫之以酸收之歲穀宜丹間穀  
宜豆雖有熱邪不能爲害四之氣自大暑日卯正  
至秋分日丑正凡六十日有奇主位太宮土客氣  
太陰土中見土運氣與運同又當其位是謂司氣  
溽暑至大雨時行寒熱互至民病寒熱溼乾黃痺  
黧衄飲發宜調太陰之客以甘補之以苦寫之以  
甘緩之歲穀宜白間穀宜麻雖有濕化不能爲邪  
是氣也無犯司氣五之氣自秋分日寅初至小雪  
日子初凡六十日有奇主位少商金客氣少陽火



中見土運畏火臨暑反至陽乃化萬物乃生乃長  
榮民乃康其病溫宜治少陽之客以鹹補之以甘  
寫之以鹹奠之歲穀宜白間穀宜豆雖有火邪不  
能爲害終之氣自小雪日子正至大寒日戌正凡  
六十日有奇主位太羽水客氣陽明金中見土運  
土生金燥令行餘火內格腫於上欬喘甚則血溢  
寒氣數舉則霧霧翳病生皮膚內舍於脅下連少  
腹而作寒中地將易也宜治陽明之客以酸補之  
以辛寫之以苦泄之歲穀宜白間穀宜黍雖有燥

邪不能爲害是歲火勝則水復金勝則火復氣之  
勝也微者隨之甚者制之氣之復也稍者平之暴  
者奪之皆隨勝氣安其屈伏無間其數以平爲期



重校聖濟總錄

卷三之一

七

補遺室



重校聖濟總錄


卷三之一 運氣

八

補遺室



乙未歲





太陰濕土司天太陽寒水在泉中見少商金運歲  
金不及氣化運行後天濕化在上地氣上騰左少  
陽明化右少陰灼化其政肅鹹化在下天氣下降  
左厥陰動化右司氣素化其令寂陰專其政陽氣  
退辟大風時起原野昏霧白埃四起雲奔南極寒  
雨數至物成於差夏濕寒合德黃黑埃昏流行氣  
交上應鎮星辰星其穀齡元間穀命太角者熱化  
寒化勝復同所謂邪氣化日也濕化五清化四寒  
化六所謂正化日也倮蟲靜鱗蟲育是謂歲物所



宜羽蟲耗熱毒不生是乃地氣所制故陰凝於上  
寒積於下寒水勝火則爲冰雹陽光不治殺氣乃  
行有餘宜高不及宜下有餘宜晚不及宜早土之  
利氣之化也民氣亦從之其病寒濕腹滿身臃憤  
腑腫痞逆寒厥拘急土爲天氣水爲地氣土勝水  
天氣盈地氣虛當取化源以平土氣金運在中天  
氣生運運生地氣三氣相得其化順邪氣乃微必  
益其歲氣無使邪勝食齡元之穀以全其真食間  
氣之穀以保其精歲宜以苦燥之溫之甚者發之

泄之不發不泄則濕氣外溢肉潰皮拆而水血交  
流必贊其陽火令禦甚寒歲運同寒宜以熱化其  
化上苦熱中酸和下甘熱所謂藥食宜也歲半以  
前太陰主之若濕淫所勝則沈陰且布雨變枯槁  
腑腫骨痛陰痺陰痺者按之不得腰脊頭項痛時  
眩大便難陰氣不用飢不欲食欬唾則有血心如  
懸病本於腎診在足太谿之脉其法平以苦熱佐  
以酸辛以苦燥之以淡泄之歲半以後太陽主之  
若寒淫於內則凝肅慘慄民病少腹控睪引腰脊



上衝心痛血見嗌痛頷腫其法治以甘熱佐以苦辛以鹹寫之以辛潤之以苦堅之歲運之化金不及紀曰從革是謂折收收氣乃後生氣乃揚長化合德火政乃宣庶類以蕃其氣揚其用躁切其動鏗禁脊厥其發欬喘其化兼所不勝其病噎欬鼽衄候其氣者夏有光顯鬱蒸之令則冬有嚴凝整肅之應若夏有炎爍燔燎之變則秋有冰雹霜雪之復其眚西其藏肺其病內舍膺脅肩背外在皮毛所謂歲金不及民病肩背臂重鼽衄嚏血便注

下收氣乃後復則寒雨暴至乃零冰雹霜雪殺物陰厥且格陽反土行頭腦戶痛延及凶頂發熱口瘡甚則心痛初之氣自甲午年大寒日亥初至是歲春分日酉初凡六十日八十七刻半主位太角木客氣厥陰木中見金運木當其位地氣遷寒乃去春氣正風乃來生布萬物以榮民氣調舒風濕相薄雨乃後民病血溢筋絡拘強關節不利身重筋痿宜調厥陰之客以辛補之以酸寫之以甘緩之歲穀宜粳間穀宜稻雖有風化不能爲邪二之



氣自春分日酉正至小滿日未正凡六十日有奇  
主位少徵火客氣少陰火中見金運二火得位而  
勝金運大火正物承化民乃和其病溫厲盛行遠  
近咸若濕蒸相薄雨乃時降宜調少陰之客以鹹  
補之以甘寫之以酸收之歲穀宜藪間穀宜豆雖  
有熱化不能爲邪三之氣自小滿日申初至大暑  
日午初凡六十日有奇主位少徵火客氣太陰土  
中見金運火生土天政布濕氣降地氣騰雨乃時  
降寒乃隨之感於寒濕民病身重腑腫胷腹滿宜

治太陰之客以甘補之以苦寫之以甘緩之歲穀  
宜藪間穀宜麻雖有濕邪不能爲害四之氣自大  
暑日午正至秋分日辰正凡六十日有奇主位太  
宮土客氣少陽火中見金運火勝金畏火臨溽蒸  
化地氣騰天氣否隔寒風曉暮蒸熱相薄草木凝  
烟濕化不流則白露陰布以成秋令民病腠理熱  
血暴溢瘧心腹滿熱臚脹甚則腑腫宜治少陽之  
客以鹹補之以甘寫之以鹹熅之歲穀宜元間穀  
宜豆雖有火邪不能爲害五之氣自秋分日巳初



至小雪日卯初凡六十日有奇主位少商金客氣  
陽明金中見金運氣與運同又得其位慘令巳行  
寒露下霜乃早降草木黃落寒氣及體君子周密  
民病皮腠宜調陽明之客以酸補之以辛寫之以  
苦泄之歲穀宜元間穀宜黍雖有燥化不能爲邪  
是氣也司氣以涼用涼無犯終之氣自小雪日卯  
正至大寒日丑正凡六十日有奇主位太羽水客  
氣太陽水中見金運金生水寒大舉濕大化霜乃  
積陰乃凝水堅冰陽光不治感於寒則病人關節  
禁固腰脰痛寒濕持於氣交而爲疾也宜調太陽  
之客以苦補之以鹹寫之以苦堅之以辛潤之歲  
穀宜元間穀宜稷雖有寒化不能爲邪歲氣之交  
濕勝則厥陰復之寒勝則太陰復之觀其氣至而  
致其治濕者燥之寒者熱之溫者清之其氣乃平  
治之大體也



[Large area of text obscured by a dark smudge]

[Large area of text obscured by a dark smudge]



丙申歲



重校聖濟新金 卷之五 五 燕返室



少陽相火司天厥陰風木在泉中見太羽水運歲  
水太過氣化運行先天相火在上左陽明右太陰  
故天氣正而其政嚴厥陰在下左少陰右太陽故  
地氣擾而其令撓風乃暴舉木偃沙飛炎火乃流  
陰行陽化雨乃時應風熱參布雲物沸騰太陰橫  
流寒乃時至涼雨並起火木同德上應熒惑歲星  
其穀丹蒼火化二寒化六風化八是謂正化日也  
羽蟲靜毛蟲育所謂歲物所宜倮蟲耗清毒不生  
是皆地氣所制民病寒熱瘡泄聾瞶嘔吐上怫腫



色變是歲陽爲天氣陰爲地氣天氣盈當於年前  
取火之化源水運在中制火而生木其邪乃微必  
抑其運水贊所不勝則暴過不生苛疾不起歲宜  
鹹宜辛宜酸滲之泄之漬之發之觀氣寒溫以調  
其過運異風熱宜少寒化食宜同法此其道也故  
曰其化上鹹寒中鹹溫下辛溫所謂藥食宜也歲  
半之前少陽相火主之若火淫所勝則溫氣流行  
金政不平民病頭痛發熱惡寒而瘡熱上皮膚痛  
色變黃赤傳而爲水身面腑腫腹滿仰息泄注赤  
白瘡瘍欬唾血煩心胃中熱甚則鼽衄病本於肺  
診在手天府之脉其法平以鹹冷佐以苦甘以酸  
收之以苦發之以酸復之歲半之後厥陰風木主  
之若風淫於內則地氣不明平野昧草乃早秀民  
病灑灑振寒善伸數欠心痛支滿兩脅裏急飲食  
不下高咽不通食則嘔腹脹善噫得後與氣則快  
然如衰身體皆重其法治以辛涼佐以苦以甘緩  
之以辛散之歲運之化水運太過紀曰流衍是謂  
封藏寒司物化天地嚴凝藏政以布長令不揚其



化凜其氣堅其政謚其令流注其動漂泄沃涌其  
德凝慘寒雩其變冰雪霜雹其病脹其化兼其所  
勝故曰歲水太過寒氣流行邪害心火民病身熱  
煩心躁悸陰厥上下中寒譫妄心痛甚則腹大脰  
腫喘欬寢汗出憎風診在手神門之脉其法治以  
鹹溫初之氣自乙未年大寒日寅初至是歲春分  
日子初凡六十日八十七刻半主位太角木客氣  
少陰火中見水運木生火水運承之地氣遷風勝  
乃搖寒乃去候乃大溫草木早榮寒來不殺溫病  
乃起其病氣怫於上血溢目赤欬逆頭痛血傷脅  
滿膚腠中瘡宜治少陰之客以鹹補之以甘寫之  
以酸收之歲穀宜丹間穀宜豆二之氣自春分日  
子正至小滿日戌正凡六十日有奇主位少徵火  
客氣太陰土中見水運土勝水火反鬱白埃四起  
雲趨雨府風不勝濕雨乃零民乃康其病熱鬱於  
上欬逆嘔吐瘡發於中胃噎不利頭痛身熱昏憤  
膿瘡宜治太陰之客以甘補之以苦寫之以甘緩  
之歲穀宜丹間穀宜麻三之氣自小滿日亥初至



大暑日酉初凡六十日有奇主位少徵火客氣少陽火中見水運火居其位水運承之天政布炎暑至少陽臨上雨乃涯民病熱中聾瞶血噬膿瘡欬嘔魀屻渴噎欠喉痺目赤善暴死宜調少陽之客以鹹補之以甘寫之以鹹奕之歲穀宜丹間穀宜豆四之氣自大暑日酉正至秋分日未正凡六十日有奇主位太宮土客氣陽明金中見水運土生金涼乃至炎暑間化白露降民氣和平其病滿身重宜治陽明之客以酸補之以辛寫之以苦泄之


歲穀宜蒼間穀宜黍五之氣自秋分日申初至小雪日午初凡六十日有奇主位少商金客氣太陽水中見水運水金相和又氣與運同歲之司氣是爲元化時令至此陽乃去寒乃來雨乃降氣門乃閉剛木早凋民避寒邪君子周密宜治太陽之客以苦補之以鹹寫之以苦堅之以辛潤之歲穀宜蒼間穀宜稷是氣也用寒遠寒無犯司氣之寒終之氣自小雪日午正至大寒日辰正凡六十日有奇主位太羽水客氣厥陰木中見水運水生木地



氣正風乃至萬物反生霧霧以行其病關閉不禁  
心痛陽氣不藏而欬其法宜治厥陰之客以辛補  
之以酸寫之以甘緩之歲穀宜蒼間穀宜稻此六  
氣之化也歲氣火木同德其氣專其化淳勝氣自  
微而況聖人遇之和而不爭也



丁酉歲



皇極經世一編 卷之三十一 運氣



陽明燥金司天少陰君火在泉中見少角木運歲  
木不及氣化運行後天燥化在上左藏化右明化  
故天氣急而其政切苦化在下左柔化右蒼化故  
地氣明而其令暴陽專其令炎暑盛行物燥以堅  
淳風乃治風燥橫運流於氣交多陽少陰雲趨雨  
府濕化乃敷燥極而澤清先而勁毛蟲乃死熱後  
而暴介蟲乃殃金火合德上應太白熒惑其穀白  
丹間穀命太徵者其耗白甲品羽清化熱化勝復  
同所謂邪氣化日也燥化九風化三熱化七所謂



重刊聖濟總錄 卷之十一 三 五運氣  
正化日也介蟲靜羽蟲育是謂歲物之宜介蟲耗  
寒毒不生是皆地氣所制清熱之氣持於氣交民  
病欬嗌塞寒熱發暴振慄癰悶金爲天氣火爲地  
氣火勝金天氣虛當資化源以助金氣安其運木  
無使受邪食白丹之穀以安其氣食間氣之穀以  
去其邪歲宜以鹹以辛以苦汗之清之散之運與  
熱同宜多天化此其道也其化上苦小溫中辛和  
下鹹寒所謂藥食宜也歲半之前陽明主之若燥  
淫所勝則木乃晚榮草乃晚生筋骨內變民病左  
胠脅痛寒清於中感而瘧大涼革候欬腹中鳴注  
泄鶩溘名木歛生苑於下草焦上首心脅暴痛不  
可反側嗌乾面塵腰痛目昧背瘍瘡癰病本於  
肝診在足太衝之脉法宜平以苦溫佐以甘辛以  
苦下之歲半之後少陰主之若熱淫於內則焰浮  
川澤陰處反明民病腹中常鳴氣上衝胃喘不能  
久立寒熱皮膚痛目瞋齒痛頤腫惡寒發熱如瘧  
少腹中痛腹大法宜治以鹹寒佐以苦甘以酸收  
之以苦發之歲運之化木不及紀曰委和是謂勝



生生氣不正化氣乃揚長氣自平收令乃早涼雨  
 時降風雲並興草木晚榮蒼乾凋落物秀而實膚  
 肉內充其氣斂其用聚其動戾戾拘緩其發驚駭  
 其化兼所不勝春有鳴條律暢之化則秋有霧露  
 清涼之政春有慘悽殘賊之勝則夏有炎暑燔爍  
 之復其腎東其藏肝其病內舍胠脅外在關節上  
 臨陽明上商與正商同其病支廢癰腫瘡瘍其甘  
 蟲邪傷肝也初之氣自丙申年大寒日巳初至是  
 歲春分日卯初凡六十日八十七刻半主位少角

木客氣太陰土中見木運風濕相遇以行春令地  
 氣遷陰始凝氣始肅水乃冰寒雨化民病中熱脹  
 面目浮腫善眠鼾衄嚏欠嘔小便黃赤甚則淋宜  
 調太陰之客以甘補之以苦寫之以甘緩之歲穀  
 宜白間穀宜麻雖有濕化不能為邪二之氣自春  
 分日卯正至小滿日丑正凡六十日有奇主位太  
 徵火客氣少陽火中見木運二火相加木運相和  
 陽乃布民乃舒物乃生榮厲大至民善暴死宜治  
 少陽之客以鹹補之以甘寫之以鹹爽之歲穀用



白間穀用豆雖有火邪不能為害三之氣自小滿日寅初至大暑日子初凡六十日有奇主位太徵火客氣陽明金中見木運金勝木天政布涼乃行燥熱交合燥極而澤民病寒熱宜治陽明之客以酸補之以辛寫之以苦泄之歲穀宜白間穀宜黍雖有燥邪不能為害四之氣自大暑日子正至秋分日戌正凡六十日有奇主位少宮土客氣太陽水中見木運寒雨降民病暴仆振慄譖妄少氣嗑乾引飲及為心痛癰腫瘡瘍瘧寒之疾骨痠血便

宜治太陽之客以苦補之以鹹寫之以苦堅之以辛潤之歲穀宜丹間穀宜稷雖有寒邪不能為害五之氣自秋分日亥初至小雪日酉初凡六十日有奇主位太商金客氣厥陰木中見水運氣與運同司氣為蒼化春令反行草乃生榮民氣和宜調厥陰之客以辛補之以酸寫之以甘緩之歲穀宜丹間穀宜稻雖有風化不能為邪是氣也用溫遠溫無犯司氣之溫終之氣自小雪日酉正至大寒日未正凡六十日有奇主位少羽水客氣少陰火



中見水運水生木木生火其化順陽氣布候反溫  
蟄蟲反見流水不冰民乃康平其病溫宜治少陰  
之客以鹹補之以甘寫之以酸收之歲穀宜丹間  
穀宜豆雖有熱邪不能爲害歲氣之交天氣勝者  
少陽復之地氣勝者太陽復之其治各依其勝復  
法



戊戌歲



皇極經世一編 卷之三十一 運氣



太陽寒水司天太陰濕土在泉中見太徵火運歲  
火太過氣化運行先天寒化在上左動化右清化  
故天政所布其氣肅甘化在下左丹化右灼化故  
地氣靜而其令徐寒臨太虛其政大舉陽氣不令  
澤無陽燄則火發待時少陽中治時雨乃涯止極  
雨散還於太陰雲朝北極濕化乃布澤流萬物寒  
敷於上雷動於下寒化一熱化七濕化五所謂正  
化日也鱗蟲靜倮蟲育是謂歲物所宜鱗蟲不成  
燥毒不生是皆地氣所制寒濕之氣持於氣交木



重刊聖濟總錄 卷之十一  
土合德上應辰星鎮星其穀元齡民病寒濕發肌  
肉萎足痿不收濡瀉血溢蓋水爲天氣土爲地氣  
土勝水天氣虛先資化源以助水化抑其運水扶  
其不勝無使暴過而生其疾食元齡之穀以全其  
真避虛邪之氣以安其正歲宜苦以燥之溫之適  
氣同異多少制之運與寒濕異宜以燥濕化其化  
上苦溫中甘和下甘溫所謂藥食宜也歲半之前  
天氣主之其化太陽寒水若寒淫所勝則寒氣反  
至水且冰血變於中發爲癰瘍民病厥心痛嘔血  
血泄眈眈善悲時眩仆運火炎烈雨暴乃雹胃腹  
滿手熱肘攣腋腫心澹澹大動胷脅胃腕不安面  
赤日黃善噫嗌乾甚則色焔渴而欲飲病本於心  
診在手神門之脉其法平以辛熱佐以甘苦以鹹  
寫之歲半之後地氣主之其化太陰濕土若濕淫  
於內則埃昏巖谷黃反見黑至陰之交民病飲積  
心痛耳聾渾渾焯焯嗌腫喉痺陰病血見少腹痛  
腫不得小便病衝頭痛目似脫項似拔腰似折髀  
不可以曲脰如結膈如列其法治以苦熱佐以酸



淡以苦燥之以淡泄之歲運之火紀曰赫曦是謂  
蕃茂陰氣內化陽氣外榮炎暑施化物得以昌其  
化長其氣高其政動其令鳴顯其動炎灼妄擾其  
德暄暑鬱蒸其變炎烈沸騰其化兼其所勝其病  
笑瘡瘡瘍血流狂妄目赤上見太陽水抑運火是  
謂上羽與正徵同其收齊其病瘞其治宜以甘和  
初之氣自丁酉年大寒日申初至是歲春分日午  
初凡六十日八十七刻半主位少角木客氣少陽  
火中見火運氣與運同地氣遷氣乃大溫草乃早  
榮民乃厲溫病乃作身熱頭痛嘔吐肌腠瘡瘍宜  
調少陽之客以鹹補之以甘寫之以鹹爽之歲穀  
宜元間穀宜豆則火不為邪是氣也無犯司氣之  
熱二之氣自春分日午正至小滿日辰正凡六十  
日有奇主位太徵火客氣陽明金中見火運歲運  
得位陽明客之燥熱相遇大涼反至民乃慘草乃  
遇寒火氣遂抑民病氣鬱中滿寒乃始宜調陽明  
之客以酸補之以辛寫之以苦泄之歲穀宜元間  
穀宜黍則燥不為邪三之氣自小滿日巳初至大



暑日卯初凡六十日有奇主位太徵火客氣太陽  
水中見火運火當其位天政布寒氣行民病寒反  
熱中癰疽注下心熱瞋悶不治者死宜治太陽之  
客以苦補之以鹹寫之以苦堅之以辛潤之歲穀  
宜元間穀宜稷則寒不爲邪四之氣自大暑日卯  
正至秋分日丑正凡六十日有奇主位少宮土客  
氣厥陰木中見火運土木相刑風濕交爭風化爲  
雨乃長乃化乃成民病大熱少氣肌肉萎足痿注  
下赤白宜治厥陰之客以辛補之以酸寫之以甘


緩之歲穀宜藎間穀宜稻則風不爲邪五之氣自  
秋分日寅初至小雪日子初凡六十日有奇主位  
太商金客氣少陰火中見火運氣與運同不司氣  
化時令至此陽復化草乃長乃化乃成民乃舒宜  
調少陰之客以鹹補之以甘寫之以酸收之歲穀  
宜藎間穀宜豆則熱不爲邪終之氣自小雪日子  
正至大寒日戌正凡六十日有奇主位少羽水客  
氣太陰土中見火運地氣正濕令行陰凝太虛埃  
昏郊野民乃慘悽寒風以至反者孕乃死宜治太



陰之客以甘補之以苦寫之以甘緩之歲穀宜齡  
間穀宜麻則濕不爲邪此六氣之化也歲半之前  
有勝氣者歲半之後必有復氣水勝則太陰復之  
土勝則厥陰復之治各以其勝復之法



己亥歲



皇極經世一編 卷之三十一 運氣



皇朝通志

卷之三十一

三

書







